

新興姚氏家乘卷十七

理學公名宦錄

肇慶府新興縣鄉官舉貢葉萬齡劉子庭麥安蘇字

元伯敬泰

黃起龍等

呈爲公舉名宦以報先功以豐祀典事伏見原任本縣知縣姚舜牧盛世名儒興朝碩彥十載下董生之帷分陰厖陶侃之情早騰譽于膠庠旋蜚英于棘院貫串百家諸子胸羅象緯之文刪述四書六經精抉程朱之祕有疑必問幾偶伏而思研所得隨書理逢原而皆是初仕新興之年正直荒政之會設方起殫先自近及遠而區畫必周煮糜療饑每隨倪至老而綜理甚悉

所存活者奚啻萬家被沾漑者且通鄰壤幾經焦瘁始獲生全
乃稍定其徭役之費今遂著爲章程乃始修其邑里之乘後遂
垂之金石政平訟理肺石幾無冤民課秋談經公門殊多佳士
耿耿清操藹藹道象常廣飭庶事而儉一身每不愛一官以惠
百姓洵矣今之循吏允哉古之惠人移時廣昌咨詢時及乎初
政投簪泉石窟窟不忘夫新興史綱性理全書猶郵致以廣傳
誦警世正禮瑣刻且分賚以維世風勳旣懋于棠陰家共欽于
尸祝卽今崇重道儒方將配盲易世以接政事文學之傳何況
叢爾疲邑人知戴園履方敢忘追德報功之典厥議惟均非阿

所好仰祈垂鑒俯賜允俞豈惟光於俎豆用以勸于將來爲此
聯名具呈須至呈者

崇正三年十一月初二日

肇慶府新興縣二學廩增附生員劉子廩利試奇趙之屏伍應
箕劉子序葉興兆梁夢詔蘇宇物麥儷葉珮玉李初郁劉溥趙
友德歐起亮董伸葉陞劉子賡葉廣祚楊維禎劉子庠潘當高
梁日煒葉常伸劉字寧趙友和甘彪等

呈爲崇祀名宦以表官方以協輿望事竊以萬厯貳拾壹年任
本縣知縣姚舜牧秋林宗匠巖邑循良雪川驚學海之濤綴珠

鱗於濯錦茗岫峻道山之岸梯彩電以翔霞劇閩壘浥洛源理
歸于宗市龔牛馴魯雉治中乎繁立月頭以便民萬禩垂爲石
畫卻拜見以剔蠹四野被其高深化逋負之遐荒催科不擾纒
屬因之載道置堂封之糧簿稽覈一清狐鼠不敢爲奸剖經書
之疑似引迷同南指之車定季月之課期品題類西秦之鏡迄
至宦成之時偶爾旱魃爲祟躬禱南郊每十武一拜六事厘自
責之勞發粟賙濟每旬日一周四方籍生全之慶蒞新敷歷六
年思慕恒如一日在任播神君之譽去後立尸祝之祠更祈左
右乎宮墻庶幾輝煌于俎豆況年久而論定宜酬德以報功爲

此具呈須至呈者

崇正三年十一月初二日

新興縣里排梁文昌劉良弼張盛李大祺陳中興區大俊李司
佐劉良蕭岐陽趙良謀李沾露繞興趙洪敘葉于美侯元葉長
青蘇億瞻梁育趙友惠李應龍馮兆章董萬春李敏甫等

呈爲公舉蓋世循良請祀名宦以慰民望事見得萬厯貳拾壹
年原任父母姚爺諱舜牧操行清白設施公平視民猶子之親
從善如園之轉立月頭垂今永賴而里疇爲之不擾設營堡厯
年無驚而奸宄因而潛消比徵躬自持籌完欠不以相累收納

任民投匭貧富靡不樂輸救荒每多奇策決獄自以不寃註經
書以剖羣疑卽無知小民無不環橋而易聽刻正禮以還淳俗
雖鄙俚野豎猶且嚮道而改觀當官起慈君之頌投組留甘棠
之思足稱理學名臣允爲昭代循吏維時久而論定宜廟祀以
報功四民同欲萬口一辭爲此聯名赴呈須至呈者

崇正三年十一月初四日

署新興縣事通判倪文煒看得本宦廉靜裊身慈仁字庶拊循
於凶荒之歲遂至竭體以設糜助驛于衝疲之區不憚多方以
供役任勞任怨實政實心誠能格天旱魃虔桑林之禱信能孚

眾強梁寢揭竿之謀且載在誌乘指點規模因革損益在在訐
謨利害情形言言石畫兼之註在六經誠哉淵源理學追想絃
歌四境允矣鼓吹休明三紀于茲咏懷不置夫苟非真有惠德
于斯民其何能強邀人心于沒世誠宜冠冕一時而俎豆來禩
事于祀典卑職不敢擅專理合請詳轉奪爲此具申

崇正三年十一月初十日申府

署肇慶府事同知王 批查本宦任時確有何功德沁入民心
鑿鑿難忍磨滅有先祀典者逐一臚列詳來以便轉詳繳

崇正三年十一月二十日回縣行學取具勘結

新興儒學署教諭事舉人阮一道竊惟政及一時者猶可塗飾
德垂沒世者不容假借結得原任新興縣知縣姚舜牧清介持
躬經綸有本覩地方之衝疲也則設月頭以甦里甲值天行之
亢魃也則躬步禱以降甘霖錢糧立限寓撫字於催科要害創
營息菴苻於不聳如盧溪之建瓴則建亭以塞風氣如洞口之
泥濘則砌石以通往來鐫六經疑問以開後學士賴陶銘立月
考課文以育青衿化行械樸芳名芳規不朽善政善教兼全詢
口碑而神君之譽猶赫核輿論而何武之思逾深洵一代之循
良應千秋之廟食典型在望公道式昭所結是實

崇正三年十二月二十日詳

縣卽于本月二十二日取具師生里老勘結緣由申

府

肇慶府署府事同知王之賢看得原任新興姚知縣循聲善政
久矣膾炙當年然未必其愈久愈慕彌遠彌真也茲據該縣覆
查詳來若鄉紳士夫之所贊百姓父老之所稱誠哉明時之召
杜允矣先代之卓黃如糜粥救荒續千家命脉民無往而不念
月頭蘇驛解萬姓倒懸民何日以得忘講學開愚蒙可比文翁
化蜀砌石通商賈勝于公僑濟潦且躬步禱降甘霖創營哨靜

如日多... 卷一... 五
萑苻催科寓有撫字鞭朴亦皆仁恩是令之治新也爲國爲民
原以一念而注千秋則新之祀令也報功報德乃以千秋而酬
一念廟貌無媿俎豆有光相應俯順輿情豐崇祭典俾賢令不
致湮沒而俗吏俱皆興起有補于吏治民風不小者卑職未敢
擅專擬合呈詳

崇正四年正月初六日申蒙

提督廣東學政張 批仰府覆確詳奪備行該縣覆查隨該

新興縣知縣謝國柱申詳覆看得原任新興縣知縣姚舜牧剛
方天賦慈惠性成摘宋薰班本經術以經世方表六經羽翼馴

雉買牛出善化以善俗世傳三善殊勲軫饑溺而民登春臺洗
冤滯而草茂園扉設課期以品佳士省里甲以舒閭閻追徵立
十限之法國課樂於輸將力役聽三時之暇夫征戴其撫字至
於均徭役立社倉鴻雁悉詠寧居抑且祛積蠹革包攬狐鼠盡
爲潛跡總之在任而行多善政僅數事以稱未免掛一漏萬去
後而民有餘思迨久而彌堅愈見荷蔭承庥向雖有耑祠尙未
經崇祀誠循良之缺典也今士民踴躍以請如出一口又經覆
勘相同合擬俯從以光俎豆緣繇申報到

府該

本府知府陸鏊看得原任新興縣知縣姚舜牧吏績煉金文光積玉尋源濂洛真堪翼佐六經筮令新興可謂恪遵三字方其始事適覲凶年設法賑饑輯哀鴻而爰止多方弭盜解佩犢以潛孚禁火耗役月頭民忘其力創游營登亭路商出於塗爰定民謨式陶士類損貲繕學每月不倦衡文閉戶著書引年特其餘事卽其捍災禦難畏壘足徵何況翼聖窮經警宗奚濫是宜俯允從祀以協輿情者也具繇於

崇正四年八月二十日呈詳蒙

提督廣東學政張 批本宦品刑先哲學洞真詮鼓吹六經不

滅中天播鐸闡揚百氏直同暗室張燈迨琴鳴單父之堂遂花
遍安仁之境戴星勤勵寧政拙而心勞酌水清貞第民肥而貌
瘦當時邑有絃歌野無嘯聚熙熙若躋春臺至今戶食舊德家
守遺編戀戀無忘畏壘宮墻允宜分席俎豆籍以增光仰府行
縣擇吉置主送入名宦祠崇祀繳

理學公名宦錄

建昌府爲佩服舊德崇報名宦以光祀典以永世澤事據廣昌
縣申稱准本縣儒學牒呈據通學廩增附生員劉大千饒掄揭
希朋等狀呈前事內稱廣昌舊邑侯姚諱舜牧文章山斗學道
淵源五嶽三光吐氣雲漢爲章二酉四庫爭奇笥厨失富六經
羽翼海內當年價重四書疑問江南此日名高著述有體若黃
鍾應鍾之和操履無瑕似大玉夷玉之粹本應爲霖作楫驥足
千程不意製錦烹鮮牛刀小邑繇今稽其治行治行當推第一
再爲想其恩澤恩澤已徧大千取士務拔其尤專心於會考月

課馭民先恤其隱一意於簿斂省耕寇警則練兵守城不憚宵
旰歲祲則省方出郊不敢安寧不受囑不戩法矢天日以旌心
無偏好無私憎秉公平以撫眾西門外河岸衝頽人多畏溺則
盡心修築竟固隄防於蟻穴東關上城石裂崩行皆懼壓則捐
資營繕遂護保障於龍崗朔望謁廟必集諸士以說詩說禮期
其盪學海之波早晚蒞堂每對小民以型仁講讓欲均被陽春
之暖衙蠹禁戢務淨不許煬竈爲奸土豪懲創得情遂爾望風
知警保又優游快此旰姆之區皆成沃壤剔釐清迥坐令平西
之藪並育祥鸞清如玉泉之冰人倫斧藻明比秦臺之鏡世道

綱維誠哉樂只有誦允矣孔邇興歌敢曰生祠建立於潭山遂
足了父老之去思哉今先生雖已長逝而後學正切景慕畏壘
祝庚原成不言之化甘棠咏召宜勤弗翦之思君子食舊德禮
固然也先生祭於社古不云乎懇乞具詳崇祀名宦高其前哲
光其後範等情具呈到學據此隨該本學署教諭事舉人賴繼
夔會同訓導胡懋化蕭洪躍看得原任廣昌知縣姚諱舜牧浙
江烏程人也發跡賢科蜚聲世胄沖矜霞映蓄滄波不測之源
文藻雲披發黃鍾待叩之響力殫愛民而民懷撫字心勤造士
而士樂栽培初發礪於新興快覩堯天舜日繼製錦於昌邑忻

承甘雨和風經書著疑問洵洙泗之功臣性鑑屬纂修誠紫陽
之勝友風澄坐笑庭階草色常青化洽周行閭里歌聲競沸敦
詩說禮有鳳舉鴻漸之禎祥薄斂省刑無鵠形鳩面之黎庶鳴
琴餘韻百年猶仰清標保赤真心四境尙依慈母瞽宗缺一席
何以示循吏之芳蹤生祠瞻遺容未足展群情之永慕宜分俎
豆以慰羹墻理合呈乞轉詳等情到縣准此又據通縣鄉宦曾
邦泰劉伸等舉人黃宿劉大年等貢生黃中澹曾尙瑞等監生
何孔彥易大化等連名具呈爲昭明公論聿啟蒸嘗不替典型
有光前哲事內稱廣昌舊姚侯諱舜牧吳山鍾其秀拔湖水漾

以清波文比浙江潮湧波濤於萬斛胸同滄海日曜金碧以千
層五經四書疑問恍應天上文昌性理綱鑑纂抄悉羅人間武
庫操持凝定如泰山喬嶽之不搖議論淵弘真長江大河之無
極初宰新興已作玠珪之範繼令昌邑益爲羽儀之光首置輕
監棘下無冤肺石尋清屯畝冊中分別軍民催科惟時每歲必
了常額任狡猾吏書不敢兜攬那借讞決從簡片言遂決真情
任孱弱孤獨不至羅織株連器使隨材長驅短駕歸品隲選文
課菽穰桃繁李屬栽培救荒振糴允爲江表伊周修城練兵遙
畏軍中韓范本經術以飭吏治幾無用玉律金科左曷史而右

章程何必減蘭臺藜閣溫良樂易藹藹和風襲人渾厚精明湛
湛秋月同朗家其邑而子其民隨車甘雨聚所好而驅所惡簾
捲慈雲休哉明德遠矣今也厥功爛然問召伯之棠蔭江漢同
永尋羊叔之峴碑先後合符泰等躬承風雅久厯典型之思追
念循良愈切羹墻之慕懇祈申詳入祀名宦庶地方之公道不
泯而宮墻之簠簋增光矣等情行查間又據通縣糧長毛季文
姚聶徐等里長何子雲駱隆海等四隅關鄉約所約正副魏克
明謝定寰等連名具呈爲公舉德政廉能以沾愷澤以允輿情
永思追慕事內稱竊惟舊令姚侯筮仕茲土經書著述烏程望

族喬梓名家固不柔而不剛且矢公而矢慎衡文課士咸服其
明剔蠹除奸胥畏其斷重里役而寸絲不擾革火耗而一錢無
私保甲森嚴頓興其積弛餽儀卻謝立杜其夤緣步行零禱彼
蒼卽霑霖雨躬親講約下民盡知勸懲況乎官倉義社本以濟
民也而向苦於滑耗侯則責實以立常平矣城垣廨宇本以固
圉也而向苦於倒塌侯則規畫以全修繕矣錢法鹽利每爲私
販者阻塞侯則清查不軌兩利而俱行矣賭博私宰每爲竊盜
者淵藪侯則有犯必罰兩畏而生愧矣鬻產訟丟糧訟虧價買
易又訟時價不值又訟侯則審實從時而籍契無紛變商賈無

嗟怨矣邑有病故者縊毒者往往假死圖賴遂集衝擄不分主僕尊卑不論是非曲直纏告不已侯則輕生有禁不良者寘之法矣邑有正差者白役者往往鑽票嚇詐甚至捏誣抗毆甚至逼死男婦被害不淺侯則營差有禁鴟張者不得逞矣況丙午戊申蒞任三載重薦紳而建賓館禮士夫而遜讓昭矣清擁禁而設羈候仁有罪而囹圄空矣似此民之父母永矢弗諼至今生祠之像可比韓斗之瞻去思之碑堪墮峴山之淚俯具微情伏乞轉申准入名宦庶本官噢咻之政永垂不朽非惟季文等仰戴一天通邑黔黎不勝雀躍矣等情各具呈詞到縣據此查

係公舉相同隨該署縣事本府通判徐時進看得前任姚知縣
器握圭璋才稱瑰瑋傳家學擅一代儒宗衍治譜作三刀循吏
鵬程早試鴻漸可儀當年之宦蹟崇弘今日之流風炳著片言
折獄六曹案牘塵清午夜焚香四壁鶴琴月皎節概凜凜冰霜
膏澤溶溶雨露開來繼往闡明道術真傳小造大成竊荷文章
正脉任前懿範允愜輿情去後遺思更昭公論結勘擬議旣確
名宦祀典攸宜等情將該縣官吏師生結狀粘連具申到府據
此查報相符隨該本府知府張明昌參看得本宦孝友禔躬廉
仁化俗學窮雞跣靈問八索九丘理析繭絲克紹二程諸子疑

如日家... 卷十一
問洵聖經鼓吹士習師傳仕譜繫循吏儀刑家尸戶祝棠蔭滿
邑興除徧處是陽春樸楫作人桃李到今沾化兩真材未獲大
用崇祀允協輿情緣係公舉請入名宦崇祀事理本府未敢擅
便合就呈詳爲此府司今備前繇將本府併該縣繳到官吏師
生結狀粘連另具書冊合行呈乞
照詳批示施行須至牒呈者

右

牒

呈

欽差提督學政江西按察司副使陳

崇正五年六月

日

經歷胡汝敬

典史鄭國任

欽差提督學政江西按察司副使陳 批 看得令以親民爲
職利興害除固屬分內然非學問湛深政事鮮足觀者而文學
飭吏治往往譏焉學不徹性命政亦不關寔心故也故廣昌令
姚公舜牧清操惠政班班可攷如革耗卻遺步禱霖應課文講
約躬先化行迨常平以釐倉耗必罰以禁私宰覈契以止貿訟
嚴法以懲圖枉與夫築河岸繕東關置輕監清屯畝剔衙蠹白
役凡興廢無不便民推原所自湛心經術五經四書疑問之作

良法媿意具是矣此豈所謂飭吏治者歟宜其孔邇當年而流
 風頌於奕世也生既思棠有祀没而俎豆泮庶何疑乎仰府行
 縣卽製主諏吉迎本宦入名宦祠崇祀繳

崇禎五年七月

山西巡撫王三善

二十二日行

典史馮國升

縣丞賈文燾

念劬公名宦錄

具呈昌樂縣貢監生員閆愉丁士梅劉國璞滕宗周等
呈爲芳名獨茂公道宜彰亟請崇祀以光盛典以酬遺澤事從
來有功德於民者則祀之故名宦之設所以酬德報功使澤被
於民者不致湮沒而無傳也病故前任知縣姚公諱涓恪者雲
川名族苕溪偉人理學家傳窮五車二酉之祕閱閱世繼擅八
顧三君之名劬發營陵澤被劇邑弘猷固難悉數盛德猶可撮
稱蒞任時荒年甫度流移未復公勤勞招撫申勸墾之令免逃
亡之徭一時復業者萬計此有德於流民者也邑素急公然貧

困不無逋欠公不假吏胥追呼行滾單法完者立賞餘亦漸次完納馱扑不事民便輸將且正供外毫無羨餘投櫃時杜絕需索此有德於農民者也邑民多携菹破產不悛呼朋引類羣不逞漸滋蔓其中公則嚴保伍而懲巨猾立勸罰而消異志遂致小盜頓除大奸不生此有德於良民者也邑科目寥落公重儒興文季考月課甲乙丹鉛不吝重賜集佳文數十首捐俸錢刻名曰營陵課業行之海內俾文風丕振此有德於儒生者也邑多才頑與胥役表裏公燭照犀燃左右屏營無敢作奸犯科雀角鼠牙令自拘呼一到卽勘片言折服案無留牘且一民一事

經目不忘以故頑猾輩潛伏無蹟此有德於訟獄者也總之立
心無欺無欲爲政有剛有柔文武兼資寬猛交濟儉以奉己謙
以善物嫉惡如逐鳥雀眾服神君愛士如親芝蘭其尊夫子清
而不激節傳清節之里仁而不柔仁被安仁之鄉具斯備美雖
古之禦大災捍大患不是過也方期秩晉銓省何意召赴玉樓
仙令頓亡徒淚峴山之石眾母不作幸留召伯之棠奈祠祀之
未光念表章之有待欣逢

老祖臺大宗師治總齊魯恩沛後先此正前哲之芳徽賴以不
墜人心之公道得以直陳者也伏祈 鈞賜批縣恩准崇祀庶

如日家考 卷一
三
千年之俎豆常存而萬姓之謳思不替矣

具呈昌樂縣鄉民郝子敬子作霖郭嘉賓等

稟爲賢令已逝遺澤難忘懇准崇祀以彰公道以慰輿情事竊
惟欒丘立社載追棠蔭千秋朱邑有祠實協桐鄉萬姓此崇德
報功之盛舉亦礪世磨鈍之深心也昌樂前任知縣姚公諱淳
恪茗溪毓秀營陵分符學本淵源絕捕蛇之苛政硯當新發表
瘞鹿之潔操恤民依則招撫流亡咸歸樂土重國計則杜絕
羨餘共急輸將摘伏發奸具燃犀之照片言折獄擅霹靂之稱
課藝術文家盡絃歌雅化明倫講約人皆揖讓成風清卻一錢

清操傳清節之里仁徵三異仁德被安仁之鄉飾學宮修保障
百廢具舉嚴比伍禁擄蒲羣匪潛消剛柔不偏允矣神君慈母
恩威互濟洵哉厚地高天何意劇眾失依福星遽隕是用峴碑
墮淚敢忘甘棠載歌若欲宏功不委諸草莽必使循吏得受其
馨香有待表章祠祀允宜叩懇恩准批縣施行

康熙二十八年八月

日具

事實

一本宦徵收錢糧毫無羨餘禁革包納需索

一本宦徵比錢糧不事敲朴立滾單法勸納有方

紀錄二
次

一本宦撫恤流移蠲除逃亡丁徭流民復業

一本宦作養生童加意培植選刻佳文傳播海內

一本宦日用儉約不取行戶

一本宦捐俸陸拾兩修理先師大殿

一本宦修築城池保障有資

一本宦質審精明片言折獄胥役不得朦朧邑無冤民

一本宦天性廉潔鐵面水心請託不行冰上官薦剡

一本宦嚴飭保伍禁止賭博遊民政行

一本宦嚴懲偷竊小盜息而大盜絕良民安生

一本宦剛柔交濟吏役人等無敢作奸犯科

昌樂縣儒學教諭沙 看得已故前任昌樂縣知縣姚澶恪立
心清慎秉政循良潔己愛民撫恤流離之苦正身率士培養仁
義之基捐俸重修黌廟頌懷文學督工堅築城池屬意金湯行
滾單之法已免差役追呼解兩造之爭復見閭閻絃頌且嚴飭
保甲花邨無月明之吠勤勸農桑綠野多雨後之耕士子方歌
來暮神君逝作修文墮淚之碑旣復見於前年崇祀之典允宜
行乎今日

昌樂縣知縣楊

看得已故前令姚澶恪賦性端莊立身清慎

如日家身 卷十一
懸魚在虛廨人欽廉介之操茂草生空園時轉陽春之運寬以
御民撫字勞而催科不拙敏以從政大綱舉而小物克勤陶成
人士彷彿入絳帳而登龍門蠲修宮牆依稀睹回琴而聞點瑟
藁可茹冰可飲堂前步鶴隨絃金爲城湯爲池境內賣刀買犢
飛鳥治彈丸遺澤山川在望騎鯨沖霄漢流名草木生香允宜
從祀孔庭庶可振興吏治

本年十月十二日奉

提督山東學政按察司僉事任 批 據覆詳昌樂姚令美政
盛德沒世歌思仰該府卽置主入祠繳

敕授文林郎青州府昌樂縣知縣念劬姚公崇祀名宦錄

山東青州府昌樂縣爲芳名獨茂公道宜彰亟請崇祀以光盛典以酬遺澤事蒙

本府信票轉蒙

提督山東通省學政按察司僉事任 憲批據昌樂縣貢監生

員閔愉房毓英丁士梅趙梓劉保治趙嘉田如蘭馮紹宗趙振

宗劉保元閔世則董琬趙允元高士望張大成劉國蔥李之誠

高蔥劉世珍劉國錡劉國璞蕭漢臣秦濟聖滕可師董恒于得

新滕宗周秦潔己閔廷獻左旨吳元勳吳元士趙啟宗于弘憲

如日家身 卷一
吳嶠李爾侯姚克諧于太和張恬左永吉王際盛王運隆左恂
李允中左永昌馮玫張鳳毛丘如驄趙如容梁湄張繼宗岳价
趙瑗李龍翔楊廷貞田採于名新張可興田垓劉賡立高是田
茂莆劉昌年趙穎生夏元鼎田睿趙煥李永祐丁士標左傳田
玉蘭劉英美高懋張性劉秉月張价藩葛如綜馮玉趙烜于价
馮瓚滕禧黃振先趙台星等連名呈前事呈稱從來有功德於
民者則祀之故名宦之設所以酬德報功使澤被於民者不致
湮沒而無傳也病故前任知縣姚公諱溇恪者霽川名族苕溪
偉人理學家傳窮五車二酉之祕閱閱世繼擅八顧三君之名

劓發營陵澤被劇邑弘猷固難悉數盛德猶可撮稱蒞任時荒
年甫度流移未復公勤勞招撫申勸墾之令免逃亡之徭一時
復業者萬計此有德於流民者也邑素急公然貧困不無逋欠
公不假吏胥追呼行滾單法完者立賞餘亦漸次完納猷朴不
事民便輸將且正供外毫無羨餘投櫃時杜絕需索此有德於
農民者也邑民多擄捕破產不悛呼朋引類羣不逞漸滋蔓其
中公則嚴保伍而懲巨猾立勸罰而消異志遂致小盜頓除大
奸不生此有德於良民者也邑科目寥落公重儒興文季考月
課甲乙丹鉛不吝重賜集佳文數十首捐俸授刻名曰營陵課

業行之海內俾文風丕振此有德於儒生者也邑多才頑與胥
役表裏公燭照犀燃左右屏營無敢作奸犯科雀角鼠牙令自
拘呼一到卽勘片言折服案無留牘且一民一事經目不忘以
故頑猾輩潛伏無蹟此有德於訟獄者也總之立心無欺無欲
爲政有剛有柔文武兼資寬猛交濟儉以奉己謙以善物嫉惡
如逐烏雀眾服神君愛士如親芝蘭其尊夫子清而不激節傳
清節之里仁而不柔仁被安仁之鄉具斯備美雖古之禦大災
捍大患不是過也方期秩晉銓省何意召赴玉樓仙令頓亡徒
淚峴山之石眾母不作幸留召伯之棠奈祠祀之未光念表章

之有待欣逢

老祖臺大宗師治總齊魯恩沛後先此正前哲之芳徽賴以不
墜人心之公道得以直陳者也伏祈 鈞賜批縣恩准崇祀庶
千年之俎豆常存而萬姓之謳思不替矣上呈昌樂縣鄉民郝
子敬于作霖郭嘉賓韓允策秦居正于得江韓治國劉世貴高
文輝丁奉祥梁煥閔思敖崔民德于雲開楊三善王應芳劉樂
國趙秉良李冲色葛如桐張性劉世昌黃鳴璽秦瓚趙祺辰崔
擬獄劉波海梁鳳閣趙福李培桂朱述先姚孟珍劉仲德劉性
倪有志劉國貞劉滕國王喜春宋成名于雲騰王鳳王奇趙馨

世閭復聖于璿常君石秦維岱吳尙文李如惠閭情閭自茂劉
文字劉君賜于雲瑞李奇才劉奇劉爾思劉鼎柱王治國李椅
田鳴鳳于璜郭桂芳于雲昇張奉林郭至忠賈士標趙宗弼李
元德劉文標秦熙趙明倫于雲桂滕起秀李昆石秦克勤劉騰
蛟李士睿姚祈劉復初于珣李元德丁士弘丁奉兆等稟爲賢
令已逝遺澤難忘懇准崇祀以彰公道以慰輿情事竊惟樂丘
立社載追棠蔭千秋朱邑有祠實協桐鄉萬姓此崇德報功之
盛舉亦礪世磨鈍之決心也昌樂前任知縣姚公諱淳恪茗溪
毓秀營陵分符學本淵源絕捕蛇之苛政礪當新發表瘞鹿之

潔操恤民依則招撫流亡咸歸樂土重國計則杜絕羨餘共
急輸將摘伏發奸具燃犀之智片言折獄擅霹靂之稱課藝衡
文家盡絃歌雅化明倫講約人皆揖讓成風清卻一錢清操傳
清節之里仁徵三異仁德被安仁之鄉飾學宮修保障百廢具
舉嚴比五禁擄蒲羣匪潛消剛柔不偏允矣神君慈母恩威互
濟洵哉厚地高天何意劇衆失依福星遽隕是用峴碑墮淚敢
忘甘棠載歌若欲宏功不委諸草莽必使循吏得受其馨香有
待表章祠祀允宜叩懇恩准批縣施行等因批行到學准此查
得已故前任昌樂縣知縣姚溇恪係浙江湖州府烏程縣人由

例監捐納國子監典簿又加納知縣康熙二十二年二月二十
伍日除授知縣本年四月二十五日到任至康熙二十五年十
一月初一日病故離任該昌樂縣儒學教諭沙渭看得已故前
任昌樂縣知縣姚溇恪立心清慎秉政循良潔已愛民撫恤流
離之苦正身率士培養仁義之基捐俸重修黌廟頗懷文學督
工堅築城池屬意金湯行滾單之法已免差役追呼解兩造之
爭復見閭閻絃頌且嚴飭保甲花邨無月明之吠勤勸農桑綠
野多雨後之耕士子方歌來暮神君逝作修文墮淚之碑旣復
見於前年崇祀之典允宜行乎今日爲此備由並具事實冊結

理合牒呈伏乞照驗轉詳等情牒呈到縣據此該昌樂縣知縣
楊念祖看得已故前令姚淳恪賦性端莊立身清慎懸魚在虛
解人欽廉介之操茂草生空園時轉陽春之運寬以御民撫字
勞而催科不拙敏以從政大綱舉而小物克勤陶成人士彷彿
入絳帳而登龍門蠲修宮牆依稀睹回琴而聞點瑟葉可茹冰
可飲堂前步鶴隨絃金爲城湯爲池境內賣刀買犢飛鳥治彈
丸遺澤山川在望騎鯨冲霄漢流名草木生香允宜從祀孔庭
庶可振興吏治等情於康熙二十八年六月二十六日遵將事
實冊四本印甘各結肆連詳報

本府轉詳

督學道任 蒙批據詳已故姚令善政纍纍請入名宦但查該
令歷任五載果如冊開實政何 上臺無循卓之舉直待蓋棺
始有公論乎是否虛譽仰府再加確查另詳報奪冊結并發等
因批行到府蒙此合行確查爲此票仰該縣官吏照票事理卽
便轉行該學查原任已故姚令善政是否虛譽逐一查明叙具
妥詳加具切看仍備事實冊並印甘各結詳府以便酌奪批轉
等因批行到縣蒙此隨行儒學確查去後續據儒學牒呈前來
牒稱遵依查照已故前任昌樂縣知縣姚溇恪係浙江湖州府

烏程縣人由例監捐納國子監典簿又加納知縣於康熙貳拾貳年貳月貳拾伍日除授知縣本年肆月貳拾伍日到任至康熙貳拾伍年拾壹月初壹日病故離任該昌樂縣儒學教諭帶管訓導事沙渭覆看得已故前任昌樂縣知縣姚涇恪績著廉明操凜清慎居官未及四載道路有來暮之歌蓋棺已逾三秋士民多去思之感連名籲請皆因澤沛於當時從祀褒崇允宜流芳於今日伏乞轉申請從輿論並具事實冊結擬合呈送等情牒呈到縣據此該昌樂縣知縣楊念祖覆看得已故前任昌樂縣知縣姚涇恪善政多端輿論僉同惟厚澤在當年感被旣

婦日家
卷七
三
渥斯遺愛留今日籲請維殷蓋棺已歷三秋豈類戶口僞增之
故態頌聲徧於四野何異峴山墮淚之歌思雖循卓未舉於生
前而褒崇應加於沒後允宜從祀以表循良爲此備由並具書
冊伏乞 照詳施行須至申者

計申送

事實冊肆本

印甘各結肆連

右

申

本

府

康熙二十八年八月

日知縣楊念祖

典史葉邦觀

青州府昌樂縣儒學爲芳名獨茂公道宜彰亟請崇祀以光
盛典以酬遺澤事今將造完原任昌樂縣知縣姚澹恪在任事
實理合開造須至冊者

計開

一本官徵收錢糧毫無羨餘禁革包納需索

一本官徵比錢糧不事敲朴立滾單法勸納有方

紀錄二
次

一本官撫恤流移蠲除逃亡丁徭流民復業

一本官作養生童加意培植選刻佳文傳播海內

一本官日用儉約不取行戶

一本官捐俸陸拾兩修理先師大殿

一本官修築城池保障有資

一本官質審精明片言折獄胥役不得朦朧邑無冤民

一本官天性廉潔鐵而冰心請託不行上官薦剡

一本官嚴飭保伍禁止賭博遊民改行

一本官嚴懲偷竊小盜息而大盜絕良民安生

一本官剛柔交濟吏役人等無敢作奸犯科

康熙二十八年八月 日教諭帶管訓導事沙渭

本年八月二十四奉

青州府知府金批

仰候轉詳繳

本年十月十二日奉

提督山東通省學政按察司僉事任批

據覆詳昌樂姚令美政

盛德沒世歌思仰該府

卽置主入祠繳

山東青州府昌樂縣爲芳名獨茂公道宜彰等事蒙

本府信票轉蒙

提督山東通省學政按察司僉事任 憲票案照前據本府呈
請昌樂縣原任已故姚令人名宦緣由前事蒙批據覆詳昌樂
姚令善政盛德沒世歌思仰該府卽置主人祠仍將置主人祠
日期緣由具文報府查考勿違等因到縣遵照來文置備木主
兼辦牲醴已於十月二十二日率同貢監生員閆愉房毓英丁
士梅等送入名宦崇祀訖擬合具文轉報爲此今將前由理合
具呈伏乞 照驗施行須至申者

康熙二十八年十月二十三日知縣楊念祖

典史葉邦觀

從祀鄉賢公呈

湖州府烏程縣歸安縣三學廩增附生員閔之閻錢時選丘志
吳陳永祚沈培卿嚴有功臧基嶧韓繹祖陳騶等

呈爲公舉蓋代名儒以光從祀大典以維學術風教事伏見烏
程縣故宦原任江西建昌府廣昌縣知縣致仕恩封四川道監
察御史承菴姚公諱舜牧者士林冠冕聖世羽儀爰當食牛舞
象之年已有天驥風鵬之譽高標遠韻下獨鶴于雲間偉抱長
才載六鰲于海上早悟鳶魚之旨趣渙探龍馬之微言綜會四
書五經詮述連篇累牘臥管窺之十載惜陶侃之分陰剖析程

朱不數班香屈艷折衷荀孟直通孔思周情音皆叶於朱絃辭
盡題夫黃絹有疑必問咨詢不漏芻蕘有得隨書札記每盈臆
牖晚罷公車之對旋提巖邑之符製錦能工鳴琴甚適彈壓則
鼓桴無警栽培則桃李成陰取衣冠而赭之民無犯者聞絃歌
而莞爾學道愛人初令新興厝置任怨任勞而荒政尤多奇策
再任廣昌興革據理據法而宦成彌秉清操績在豐碑謠傳輿
誦旣仕優而優學乃先覺以覺民歸訂前編續咏歌於沂水嘉
傳正印接趨步干尼山反約成章更名要解推而解性理則彙
濂洛于一堂推而覈史綱則友遷固于千載作三五六經之羽

翼羅二十八宿于心胸警世有錄正禮有編緒論皆堪模楷瞻
族有田奉先有廟詒謀匪狗虛名家擬杏壇肆同槐市麟趾振
振接武鳳毛噦噦相輝弓冶箕裘表高陽之宅里玄纁冠蓋署
通德之名邦文章操物外之權孝友施家中之政武公淇澳頌
抑戒于賓筵元爽洛陽首耆英之勝會裘九開而未老命三錫
以彌恭曳杖逍遙謁親朋以辭世整冠莊肅萃子姓以前歸居
平簿竺山蔥領之書化去得淨國蓮邦之祕蓋生元非偶騎箕
尾而上星辰故福備考終鄰期頤而踰耄耄真初終之不貳果
名實之相符恭遇 宗師老大人好篤緇衣禮隆黌序是邦誰

爲賢者祭社諒在斯人況執爵乞言屢推崇於憲老而蓋棺論
定宜晉高于瞽宗議屬僉同情非私昵仰祈垂鑒俯賜允俞寧
惟俎豆之輝光抑亦寰區之瞻仰爲此聯名具呈須至呈者

崇正貳年拾月

日具

歸安縣知縣張 批

承菴公羽翼六經鼓吹萬世厥功亦不在禹下也國朝自
陽明以後獨此一人據諸生呈請真箇箇人心有仲尼矣
准申當道以表真儒

烏程縣知縣胡 批

該房查申

湖州府知府金 批

仰縣查報

欽差提督學政浙江布政使司右參政兼按察司僉事江

批

看得故宦姚承菴先生身振羽儀胸羅象緯幼叶辦麀之
譽早歌鳴鹿之詩接關閩濂洛之真傳日星復朗闡書禮
史綱之祕義聳贖斯開道見諸行飛雙鳧於劇宰教傳諸
子膺獨身之褒封畏壘庚桑人爭趨仁讓之化縹囊緗帙

老不廢較讐之勞國號大儒鄉稱碩彥宜列明馨之薦爰
垂山斗之瞻仰府卽送入鄉賢祠奉祀繳

爾永公鄉賢錄

湖州府舉貢監生員潘曾潤等呈爲望重儒林德符祀典公籲
憲恩永彰潛德事竊惟希聖希賢布衣亦足維持名教宜家宜
國哲士誠堪師表人倫配祀膠庠應舉崇祀之典薦歆俎豆用
昭立德之風伏見烏程縣學已故增廣生員姚延增六經賢裔
萬石華宗孺慕性成純孝早傳于弱歲端方天授賢聲久播于
同人至性纏綿比孝筭慈烏之異天倫敦篤有推梨讓棗之誠
恩逮周親堪資緩急情殷一本與共有無幼妹牽車上之烏羊
篋助粧簪珥弱弟跨樓頭之彩鳳囊傾賣賦金錢繼焚券高

風非云市義追還金雅度豈曰沽名饑饉薦臻煮糜以濟同井
疫瘟大作施藥以活多人若夫紹理學之心傳繩其祖武綿詩
書之世澤貽厥孫謀並立品于義路禮門早置身于賢關聖域
誠人倫之模楷洵吾道之干城也恭遇

憲天大宗師冰壺月映鐵面風生樹桃李于公門自古鑒衡第
一杜苞苴于午夜由來文秤無雙固已汲引羣材羅遺珠于滄
海尤復探求軼事發潛德于幽人鄉校傾心士林忙舞如本生
者事經論定頌在輿歌人過君子之鄉捧瓣香而下拜時憶賢
人之聚載斗酒而啣悲允協鄉評洵符祀典伏冀

俯採荔蕘末議淮批琬琰鴻文俾入鄉賢得崇廟祀庶旌揚前
哲瞽宗發芹藻之香觀感後人盛世收賢良之報矣爲此連名
上呈

康熙四十四年十二月

日具

提督浙江學院靳 批 仰湖州府速查報

烏程縣儒學胡蔡 看得本學已故增廣生員姚延增理學名裔

經術鴻儒至孝性成始終無忝友于誼篤婚嫁捐貲焚券還金
積陰功于幽隱救荒捨藥樹令德于枌榆棘闡掄才雄文特薦
彤廷召試書法無雙言有物而行有恒洵先民之芳躅聲爲律

而身爲度實盛世之完人足式儒林請崇祀典

烏程縣正堂加二級吳 看得本縣儒學已故增廣生員姚延
增身列儒林性成孝友砥行無慙幽獨匪特焚券還金飭躬不
愧大廷寧止救荒施藥學宗洙泗每思步武程朱筆走蛟龍直
可追踪米蔡與其揚弘勳于軒冕臚列浮詞孰若發潛德于澗
槃頌颺實跡膠庠配祀俎豆用光

湖州府正堂加三級章 看得烏程縣學已故增廣生員姚延
增理學象賢儒林碩果幼敦純孝本原厚自性生長盡友于親
愛摯由天授推惻隱之念救疫振饑辦義利之分還金焚券雖

數奇葢榜鴻文每阨於冬烘而志勵芸窗螢火時勤乎午夜名
山著述脉紹關閩濂洛之微書法淵源筆合米蔡蘇黃之妙行
堪型俗詢之輿論而皆公事可垂模揆之祀典而適合

提督浙江學院靳

批

據詳故儒姚延增孝本性生行端人

紀飭母之目則誠格天心撫妹之孤則誼全兄道他如還金直
與香山媲美若其明理上宗泗水嫡傳雖遺稿散亡而德徽猶
著既據該府確勘前來准置主入祠繳冊結存

念劬公鄉賢錄

具呈湖州府八學廩增附生員凌夔嚴慎成潘琦等

呈爲鄉評旣著吏治尤隆懇乞崇祀鄉賢以光盛典事竊惟人倫獨崇忠孝吏治莫重循良遺愛思慕名宦旣崇於海邦孝行首推鄉賢應祀於本土公評攸協上請惟殷茲有已故

敕授文林郎原任山東青州府昌樂縣知縣姚諱瀉恪理學家傳箕裘世美系出名賢之後羽翼六經家承岳牧之餘風高萬石幼失怙恃每廢蓼莪之詩少知艱難不同紈袴之習取念劬以自號抱恨終天惟師儉以克家論謀盡善居鄉允符於月旦

矢志欲展其經綸遂領專城蒞任昌樂正值災荒之後招撫勞心盡免逃亡之徭流民復業其徵收錢糧也法立滾單小民競樂輸將而比較不責一板革除火耗浮費悉歸正供而羨餘不取分文屢蒙上司之薦剡兩叨

朝廷之紀錄政云善矣其崇尚學校也重修文廟一時鳥革翬飛而泮宮爲之生色造就人材盡屬菁莪桃李而文運爲之起衰旣致尊聖之實心復收育才之捷效教亦美哉至於片言折獄照並燃犀明允得情庭無肺石求生弘施祝網犴狴常空哀衿時念園扉枿楊卧草擣蒲嚴禁遊手改行而躬耕鼠竊

重懲宵小同心而買犢由是萬家鷄犬抱月長眠百里鄉邨外
戶不閉蕩蕩成太平之治洋洋表東海之風若夫修築城池惟
留心於保障雅操琴鶴恒勵節於冰霜並屬嘉猷未易殫述方
期報最而超遷豈意修文而赴召當屬續之際士庶曰奪我父
母而峴山墮淚之碑感泣殊深迨櫬還之時鄉紳曰真不要錢
而竹林路祭之情追思倍切所以三年之久猶厯兆庶之懷山
左士民具呈 任學憲批允崇祀名宦已得永高明禋第親俎
豆於青齊尤冀推崇於黌序恭遇

憲天大宗師文章山斗名教綱維奎壁照臨儒紳胥慶爲此合

詞上籲伏冀

俯允鈞批俾得列於鄉賢藉常瞻乎模楷詎特昭九原之賁實
惟邀一字之褒矣連名具呈須至呈者

康熙二十九年四月十九日具

提督浙江學政周 批 仰府確查報

湖州府知府潘 批 仰縣行學取具事實并師生里隣結狀

以憑加勘轉詳

學憲繳

具呈虞增附生員凌應揆韓錫爵吳曙陳弈裘吳鳴岡等呈爲

鄉評旣著吏治尤隆懇乞崇祀鄉賢以光盛典事遵奉帖文勘
得已故

敕授文林郎原任山東青州府昌樂縣知縣姚諱溇恪理學家
傳名賢世裔幼陟岵岵劬勞永懷乎二人孝本性成孺慕常深
於五內每逢祭享泣下沾襟更值忌辰終朝廢食友誼不渝金
石推解周濟貧窮研經史而不博浮名刊聖訓以普勸風俗凜
遵庭訓守儉德以居家兼具弘才思宣猷以報國爰領銅章分
符昌樂當其蒞任新礪卽遇盤根錯節奇荒甫度蠲役招集流
亡滾單勸輸徵比不施鞭扑羨餘盡革啣實惠於口碑奏銷必

先屢紀錄以旌伐兼以繕城保障澤集鴻雁修學育賢門盈桃李嚴飭保伍既清境內之呼盧重治穿窬并絕林中之暴客得意絃歌之外庭可張羅游神簿領之先案無留牘一簾冰潔四野春融方謂循卓應邀臺省之遷詎意修文遽赴玉樓之召扶櫬南還泣送遠涉者不憚百里追思遺愛懇祀名宦者已閱三年夫所譽必有所試觀夫山左士民已徵直道而名宦宜舉鄉賢合之家庭孝行應高明禋理合據實回覆伏乞
師臺俯賜申詳爲此覆呈須至呈者

奉寔

一本宦年甫十齡問寢視膳克供子職母吳太夫人疾晝夜奉侍湯藥衣不解帶母卒哀毀骨立於宅之北園特搆數椽顏曰蓼莪居塑兩尊人像晨昏瞻禮數十年如一日遇生卒忌辰披純素斷葷酒終朝侍側事之如生宗族稱爲純孝

一本宦爲方伯榕似公季嗣幼遵庭訓自就外傳卽崇正學屏黜佛老研究經史古文不屑沾沾帖括博取浮名常嘆曰吾儒欲尋孔顏樂處須向身心性命求之寧于語言文字中討生活耶務躬行實踐故其學不專言論

一本宦廉潔性成一介不取居官益勵清操雖歲時餽遺亦卻

如日家
卷一
三
不受有命案某犯重辟暮夜持多金祈緩獄堅不爲動自矢云
吾居營陵惟飲一杯水耳昌人迄今傳道不置

一昌樂科目寥落蒞任後卽重儒興文季考月課甲乙丹鉛不
輟寒暑凡學使按臨青郡邑試前列獲雋者十居八九集生童
佳文捐俸授刻名曰營陵課業昌邑文風丕振

一昌樂民悍本宦朔望親講

聖諭一十六條倣周禮立鄉社刊列勸善規約二十條擇耆老
有德者家諭戶曉民或訟於庭必慰諭遣之至不得已方令自
拘一到卽勘片言折服民多感激相勸爲善

一昌樂五年編審里甲計戶口二萬六千餘丁舊例盡數赴縣查點兼比地丁完欠小民遠近奔馳胥役因而作奸守候數月動糜金錢萬計本宦一洗積弊止令新增開除當堂查驗隨到隨遣歸農民間不費絲毫三日事竣萬民尸祝

一本宦任昌四載飲冰茹檠凡興利除害之事曲爲規畫撫字勤勞心力俱憊及卒昌邑士民如喪考妣三年之後猶追思遺愛不已具呈 學憲懇祀名宦批允於康熙二十八年十月二十三日備主送入崇祀

一本宦自幼無紉袴之習布衣蔬食有如寒素歲時伏臘饗祀

先人極其豐潔居家嚴肅內外秩然

一本宦素敦友誼金石不渝有某姓以無妄繫於官幾致成獄力爲辯雪事賴以白又友人沈某貧而早世其子困乏不能自存慷慨倡施資其薪水

一本宦樂善好施註解文昌聖訓刊布勸世甲寅歲大歉民不聊生去已產以周隣里每戶給米數斗相繼不絕里中待以舉火者百有餘家

烏程縣儒學

教諭許訓道張

看得故宦姚澹恪孝行特表人倫循良

可譜吏治生清遠之名邦至性夙具承理學之正印經濟兼優

蓼莪名齋念劬自號永抱終天之恨血可啼鵲每逢忌日而悲
腸堪唳鶴卽舉孝之一端已足該乎百行況乎專城製錦四載
花封肫肫體天地之好生凜凜厲冰霜以風世父母孔邇沒後
淚墮峴碑遺愛不忘名宦祀崇齊魯丞嘗無添俎豆宜光

烏程縣知縣張 看得故宦姚涪恪孺慕篤誠風猷偉卓明發
有懷已居百行之首克家能儉允稱萬石之風且花縣烹鮮慈
父惠同長葛琴堂製錦單車清比姑臧士民悲悼於蓋棺之時
名宦論定於還櫬之後循良旣字於民社純孝久著於鄉評用
表幽芳允宜崇祀

湖州府知府潘 看得故宦姚溥恪孝友性生經綸邁俗修

于家而獻於

廷早敦實行本諸身而加諸民克著循聲止藉匡襄于

盛治何期溘逝於花封蔽芾甘棠山左旣崇夫俎豆維桑與梓
膠庠敢靳乎蒸嘗允宜列祀鄉賢用昭千秋月旦者也

提督浙江學政周 批 已故姚宦孝義可欽清勤自矢瞻雲

陟岵至性無間於孩提助麥指園高誼時推于嫺黨一行作吏
宰號神明三歲食貧家傳清白乃一官勞勩蒼天竟萎哲人因
之百里呼號赤子咸思慈母比營陵尸祝俎豆旣崇而梓里心

儀烝嘗允協者也既經該府勘結如詳送主入祠繳

榮慶錄

我族自 理學承菴公讀書發祥迄今二百年來凡登科第入
成均叨仕版膺 恩綸者百餘人此雖自奮勵亦祖宗積慶種
之義方貽之也茲特彙爲一編非侈科名之盛官爵之顯蓋紀
國榮家慶使後人覽是編者益奮勉而光大之耳

乾隆庚寅孟秋德鶚謹識

光緒庚寅續修挨次補入凡若爾人 學邃編次

吳興姚氏家乘卷之十七

科甲

舜牧由廩生以易中萬曆癸酉科浙江鄉試第六十七名

祚端由附生以易中萬曆庚子科浙江鄉試第四十四名丁未

會試第六十五名殿試第三甲一百六十名

延著由廩生以易中崇禎庚午科浙江鄉試第十六名順治丁

亥科會試第二百四十三名己丑科殿試第三甲七十五名

延啟由歲貢以春秋中崇禎壬午科順天鄉試第三十三名順

治丁亥科會試第九十七名己丑科殿試第三甲二百九十

八名

涪燾由附生以易中順治辛卯科浙江鄉試第五十九名康熙

丁未科會試第四十四名殿試第二甲二十五名

涪敏由例貢以詩中順治甲午科順天鄉試第一百三十八名

辛丑科會試副榜第一名

涪熙由附監以易中康熙壬子科順天鄉試第一百十三名

德棻由附監以禮記中康熙丁巳科浙江鄉試第二十二名

涪鴻由廩生以易中康熙丙子科浙江鄉試第八名

德照由武生中康熙壬午科浙江鄉試第四十九名

瀘垣由增生以易中康熙乙酉科浙江鄉試第八十四名

世澄榜名澄由武生中康熙辛卯科浙江鄉試第十八名戊戌科會試第二名殿試第三甲八十三名

德里由例貢以易中康熙甲午科浙江鄉試第八十七名雍正庚戌科會試第三百九名殿試第三甲一百十二名

德璘由附生以易中雍正癸卯 恩科浙江鄉試第八名

世鏞由增生以易中雍正癸卯 恩科浙江鄉試第九十一名

雍正癸丑乾隆丙辰兩科會試 欽取明通榜

世道由附生以易中雍正己酉科浙江鄉試第五十名乾隆丁

如日家考 卷十七
巳 恩科會試第一百四十名殿試第二甲六十四名

德鶚年十六由武生中雍正己酉科浙江鄉試第二十四名

益濠年十九由附生以易中雍正壬子科浙江鄉試第四十二

名乾隆丙辰戊戌兩科會試 欽取明通榜

世名年十八由武生中雍正壬子科浙江鄉試第十六名

世英榜名英由武生中乾隆庚午科浙江鄉試第八名

加榮由增生中乾隆祭郊科浙江鄉試第十二名

加畚榜名文田由廩生乾隆己酉拔貢中本科浙江鄉試第七

十三名嘉慶己未科會試第一百六十名殿試一甲一名

經炳榜名覲元由監生中道光癸卯科順天鄉試第一百八名
經良榜名煊由附生中道光丙午科浙江鄉試第七十三名

學源榜名炳熊年十一入烏程縣學由廩生光緒乙酉拔貢戊
子科中順天鄉試第六十六名乙未會試第一百二十四名

五貢

恩貢

延教

順治丙戌恩烏程撥府

乙酉歲

拔貢

延儒

順治戊子補行乙酉拔歸安撥府

加畬

更名
文田 乾隆己酉拔歸安撥府

培驤

道光乙酉拔歸安撥府

學源

更名
炳熊 光緒乙酉拔烏程

歲貢

延啟 崇禎己卯歲 烏程

延廉 康熙乙丑歲 府學

瀄銳 康熙壬申歲 烏程

瀄揆 康熙庚子歲 孝豐

世俊 雍正丁未歲 府學

德進 更名 乾隆己未歲長興撥入歸安

世芳 嘉慶癸亥歲 府學

益時 道光甲辰歲 歸安

培穀 道光辛卯歲 歸安

副貢

延儒以易中崇禎丙子科本省鄉試第五名副貢

溇炤以書中順治丁酉科順天鄉試第 名副貢

世鍊以易中雍正乙卯科順天鄉試第四十五名副貢

更名汝金再中乾隆辛酉科順天鄉試第 名副貢

優貢

道光壬午優 歸安

培廣更名
森培

仕宦

舜牧由舉人任廣東肇慶府新興縣知縣署廣西全州知州再

任江西建昌府廣昌縣知縣

祚端由進士任直隸揚州府江都縣知縣行取授四川道監察

御史巡視東城巡按陝西 特授專勅閱視延綏固原邊

務遷四川按察使司副使兼布政使司叅議分守川東道

疏辭

召還任福建道監察御史巡按南畿刷卷陞太僕寺少卿

延啟由進士任山西平陽府稷山縣知縣甲午分校行取授工

科給事中轉戶科加一級晉吏科都給事中經筵侍班管
理大計京察軍政戊戌己亥兩充文武殿試掌卷官

延著由進士任廣西柳州府知府軍功加一級調平樂府知府
陞山東都轉鹽運使司運使 賜專勅以道臣體統行事

廣東布政使司叅政分守嶺南道大計卓異護理廣東巡
撫印務江南全省提刑按察使司按察使轉河南承宣布
政使司右布政使

延儒由拔貢任湖廣襄陽府南漳縣知縣陞山西大同府陽和
同知未離楚任川寇猝至破城殉難奉 旨恩卹贈湖廣

按察司僉事 欽賜祭葬廕一子

淳熙由舉人任嘉興府平湖縣儒學教諭

涇銳由歲貢選授紹興府山陰縣儒學訓導

涇燾由進士任內閣中書舍人陞戶部湖廣司主事戊午分校
北闈陞戶部陝西司員外郎壬戌會試同考官陞刑部雲南
司郎中 欽差湖廣提督學政按察使司僉事補湖廣布政
使司分守岳常道學政如故

涇起由廩監任廣東肇慶府開平縣知縣

涇顯由廩貢任內閣中書舍人

涇恪由監生任山東青州府昌樂縣知縣

涇鴻由舉人選授四川馬湖府屏山縣知縣

女史參事 卷一十 五
德基由例貢任廣東惠州海豐縣知縣加二級紀錄三次

德堅由例貢任紹興府蕭山縣儒學訓導內陞工部都水司主
事虞衡司員外郎兵部武選司郎中戶部福建司郎中轉廣
西柳州府知府

德輅由例貢任紹興府儒學訓導加一級再任衢州府龍游縣
儒學訓導

德憲由生員襲祖難廕任江南池州府銅陵縣知縣加一級

德里由進士分發安徽候補知縣壬子江南鄉試同考官

德璘由舉人候選知縣改任兩淮通州楨茶場鹽課司

德棻由舉人任直隸大名府濬縣知縣內陞主事

世璠由例貢任江南淮安府沐陽縣知縣陞山西澤州直隸州

知州

世理由監生任山東東昌府博平縣知縣丞保舉知縣發往河

東試用署河南登封山東清平兩縣知縣

世澄更名澄由武進士任四川龍安營守備

世錫由例貢候選教諭改授江西吉安府萬安縣縣丞

世鍊更名汝金由副貢選授湖廣長沙府長沙縣縣丞

世道由進士任陝西西安府咸陽縣知縣

如日家
卷一
四
世名由武進士籤分江南守備署通州鎮貳守

世芳由歲貢選授衢州開化縣學訓導

益濠由舉人乾隆丙辰戊辰 欽取明通榜咸安宮教習選授

嘉興府秀水縣教諭

益份由監生分發四川侯補縣丞署梁山縣縣丞

益傳由監生任江西德興縣典史

益炎山東 聖公府奎文閣典籍

益佩由監生任陝西渭南縣典史

益澍由監生任江蘇東臺縣典史

加勳由監生任直隸懷來縣典史

加燦由供事任四川彭水縣典史

加煥由監生任甘肅古浪縣大靖司巡檢安西府倉大使

加榮由舉人考取覺羅官學教習揀選知縣

加畬更名文田由拔貢中式本科舉人甲寅召試一等一名授內

閣中書文淵閣校閱方畧館分校軍機處行走會試中

式殿試一甲一名賜進士及第翰林院修撰文淵閣

校理教習庶吉士日講起居注官詹事府右中允國史

館總纂翰林院侍講侍讀詹事府右春坊右庶子國子監祭

酒 南書房供奉詹事府詹事 文淵閣直閣事內閣學士

兼禮部侍郎銜稽查中書科教習庶吉士兵部禮部右侍郎

戶部左右侍郎兼管錢法堂事務充石渠寶笈秘殿珠林總

裁署工部吏部左右侍郎 經筵講官都察院左都御史

紫禁城騎馬禮部尙書署工部尙書嘉慶庚申廣東辛酉福

建丁卯山東道光乙酉順天各科鄉試主考官嘉慶六年廣

東十五年河南二十四年江蘇提督學政嘉慶丁丑科會試

副總裁甲戌己卯癸未科文武 殿試讀卷大臣甲戌己卯

朝考癸未覆試壬午考試學正學錄丙戌教習拔貢 朝

考閱卷大臣 誥授光祿大夫 予謚文僖 諭賜祭葬

加秩更名由監生實錄館議叙任河南南陽縣林水驛巡檢

加琮襲恩騎尉選授台州甯海縣千總歷署湖協守備

培心由監生任廣西容縣粉壁寨巡檢

培棟由供事任 典史

培宣更名由監生襲正二品廕生任刑部貴州司廣西司主事

兼欽奉 上諭事件處行走陞福建司員外湖廣司郎中總

辦秋審處律例館提調 京察一等加一級截取 記名以

繁缺知府用選授廣東韶州府知府奉 旨仍回郎中本任

培賞更名由監生考取膳錄充實錄館膳錄議叙布庫大使鹽

運使運判軍功保陞同知選授江西建昌府同知

培廣更名由優貢候選訓導改授湖南善化縣縣丞直隸高邑

甯晉等縣知縣保定府通判

培膺更名由監生供事期滿任雲南騰越廳經歷

培驥更名由拔貢朝考迴避就職州判分發廣東借補南雄

州州同軍功保舉同知

培圻由增監生任湖北道士汛巡檢

培嵩更名由監生任河南睢州吏目歷陞林縣南召蘭儀等縣

知縣加同知銜賞戴藍翎

培清襲恩騎尉署湖協營千總陞甯波守備

培勤更名夢薇由監生戶部候補主事加員外郎銜山西司行走

經鏞由監生任貴州興義府經歷

經烈由廩貢候選訓導改縣丞歷署江蘇奉賢寶山等縣縣丞

軍功保舉知縣題補丹陽縣知縣加同知銜升用直隸州知

州

經輔更名輔由增監兩淮候補鹽經歷

經陞由監生歷任直隸天津雄縣等縣知縣保定府通判天津

海防同知在任候補知府補用道 賞戴藍翎軍功 賞換

花翎

經良

更名 煊

由舉人戶部候補主事福建司行走

經炳

更名 觀元

由舉人考取景山官學漢教習揀選知縣改內閣中

書協辦侍讀本衙門撰文俸滿內用主事 國史館 方畧

館分校 玉牒館總校軍功保陞員外郎 賞戴花翎籤分

戶部行走加四品銜復以軍功保陞郎中加三品銜題補戶

部雲南司郎中截取 記名以繁缺知府用考選御史第三

名引 見記名以御史用京察一等 記名專以道員用授

四川川東分巡兵備道加布政使銜二品頂戴湖北按使
司署湖北布政使司陞廣東布政使司

經旬更名凱元由監生光祿寺候補大官署署正加五品升銜襄辦

大婚禮成 賞三品銜

經傳更名允元由監生任直隸鹽山縣舊縣巡檢候補主簿加六品

銜

經達更名觀元由監生江蘇試用從九軍功保舉縣丞加五品銜歷

署上海縣縣丞汾湖司巡檢代理南匯縣事失察被議投効

黔省軍功開復原官原銜改分湖北

經禮

更名亮元

由監生陝西候補典史改光祿寺署正加同知銜河

南項城縣知縣

經贊

更名贊元

由監生歷任直隸新城縣典史北河主簿青縣運河

主簿卓異保陞開州州判調補景州州判加五品銜

經

更名定元

由監生考取膳錄咨送國史館議叙縣丞分發直

隸候補旋以勞績保升知縣補大名縣知縣調補獻縣知縣

加五品銜

經詔

更名百齡

由監生同知用河南候補通判

學鑑由監生直隸候補巡檢

學鏡由監生任山西

縣知縣加五品銜

學康由附貢以州判分發四川歷署江津江安等縣縣丞加五

品銜改知縣選授湖北建始縣知縣署武昌蒲圻等縣事

學善由監生直隸候補縣縣丞加五品銜

學源

更名炳熊

由拔貢

朝考起用七品小京官吏部考功司行走

改主事戊子順天鄉試中式六十六名乙未會試中式一百

二十四名補文選司主事

學車

更名貴慈

由監生江蘇候補縣缺丞海運保舉補後以知縣用

並加同知銜

學驥

更名光宗

由監生湖北候補巡檢署麻城縣典史

學崇

更名

由監生直隸候補巡檢署南皮縣典史

光緒二十九年...

光緒二十九年...

光緒二十九年...

光緒二十九年...

光緒二十九年...

光緒二十九年...

封蔭

讓萬曆二十四年以子舜牧貴贈文林郎廣東肇慶府新興縣知縣配馮氏封太孺人

舜牧泰昌元年以子祚端貴封文林郎巡按陝西四川道監察御史元配李氏贈孺人繼配馬氏贈孺人繼配金氏封孺人
舜牧繼配金氏萬曆三十九年以子祚端貴封孺人

祚重順治八年以次子延著貴封中憲大夫廣西柳州府知府
順治十四年以長子延啟貴封文林郎工科給事中加一級
又以次子延著貴封大中大夫廣東布政使司嶺南道參政

配史氏贈恭人加贈淑人又贈孺人

涪政康熙二十三年以嗣子德基貴贈文林郎廣東惠州府海豐縣知縣配潘氏贈孺人

涪燾康熙四十二年以子德堅貴封原階通議大夫湖廣布政使司分守岳常道僉事加四級元配錢氏繼配閔氏俱贈淑人

涪敏康熙四十二年以子德棻貴贈文林郎直隸大名府濬縣知縣配臧氏贈孺人

涪峻康熙五十二年以子德憲貴贈文林郎江南池州府銅陵

縣知縣配費氏封孺人

德棻康熙六十一年以子世璠貴贈奉直大夫山西澤州知州

配勞氏贈宜人繼配王氏封宜人

德塗雍正十三年以嗣子世錫貴贈修職郎江西吉安府萬

安縣縣丞配吳氏贈八品孺人

溥鴻乾隆十六年以子德璘貴贈文林郎四川馬湖府屏山

縣知縣配金氏贈孺人

德升

以曾孫加畬

更名文田

任戶部右侍郎兼管錢法堂事務加

三級嘉慶二十四年

覃恩贈

公光祿大夫如其官配贈

一品夫人

德謙

以出嗣曾孫加畚

更名文田

任戶部右侍郎兼管錢法堂事

務加三級嘉慶二十五年

覃恩馳贈

公光祿大夫如其

官配馳贈一品夫人

側許氏馳贈一品夫人

世孝

以孫加畚

更名文田

歷任內閣中書翰林院修撰詹事府右

春坊右庶子內閣學士工部戶部左右侍郎加三級嘉慶元

年四年六年十四年二十四年二十五年疊遇

覃恩馳贈

公文林郎儒林郎

誥贈奉政大夫

累贈光祿大夫配

馳贈孺人安人

誥贈宜人

累贈一品夫人

益淵 以曾孫經陞任直隸天津海防同知在任候陞知府補用道同治二年 覃恩賜贈通奉大夫元配吳氏繼配韓氏俱贈夫人

益治 以子加畬

更名文田

任內閣中書文淵閣檢閱翰林院修撰

詹事府右春坊右庶子內閣學士工部戶部左右侍郎加三級嘉慶元年四年六年十四年二十四年二十五年疊遇

覃恩勅封

公文林郎儒林郎

誥封奉政大夫

累贈光

祿大夫配封孺人贈安人加贈宜人累贈一品夫人

益濂

以子加秩官河南南陽縣巡檢嘉慶十四年 覃恩賜

封登仕左郎 以孫培嵩更名嵩慶任河南蘭儀縣知縣同知銜

同治二年 覃恩賜贈人 公奉政大夫配賜封孺人 贈宜

人 公文林涇瀾林 贈 奉政大夫 果

加諍 以子培心任廣西容縣粉寨巡檢 二十年 覃恩賜

贈 公登仕佐郎配贈孺人 五 清 氏 時 式 式 封 有 賦

加琛 以孫經良更名煥任戶部福建主事加三級光緒元年

覃恩賜贈 公朝議大夫配贈恭人

加桓 以孫經陞任直隸天津府同知在任候陞知府補用道

同治元年二年 覃恩賜贈 公中憲大夫 加贈通奉大

夫配贈恭人加贈夫人

加穎

以胞姪培宣

更名晏

任刑部貴州司主事道光二年

覃

恩賜贈

公承德郎

加榮

以胞弟加畚

更名文田

任戶部左侍郎嘉慶二十五年

覃

恩賜贈

公光祿大夫配賜封一品夫人

加果

以繼子培賞

更名衡

任江西建昌府同知道光三十年

覃恩賜贈

公朝議大夫

以孫經炳

更名覲元

任戶部雲南司

員外郎雲南司郎中湖北按察使司四川川東兵備道咸豐

十一年

同治四年

十年

十一年

光緒

年

豐遇

覃恩贈 公中憲大夫 中議大夫 資政大夫 榮祿大

夫配累贈恭人 淑人 夫人

加秩 任河南南陽縣林水驛巡檢 敕授登仕佐郎 以子

培嵩 更名嵩慶 任河南蘭儀縣知縣同知銜同治 年光緒 年

疊遇 覃恩贈 公奉政大夫 晉贈通奉大夫配封孺人

贈宜人 夫人

加椽 更名文謨 以胞姪培賞 更名衡 任建昌府同知道光三十年

覃恩馳贈 公奉政大夫配封宜人

加琛 更名文琛 以姪孫經炳 更名覲元 任內閣中書咸豐七年 覃恩

贈文林郎

培穀 以子經烈同知銜任江蘇丹陽縣知縣咸豐十年 覃

恩贈 公奉政大夫配封宜人

培滋 以子經良更名煊任戶部福建司主事光緒元年 覃恩

贈 公朝議大夫配贈恭人

培照 以子經陞任直隸天津府同知在任候陞知府補用道

同治元年 二年疊遇 覃恩贈 公中憲大夫 通奉

大夫元配顏氏 繼配宋氏俱贈恭人 夫人

培宣更名晏任刑部郎中 以胞姪經炳更名觀元戶部雲南司郎中

四川川東道湖北按察使司同治四年十年光緒十年

疊遇 覃恩賜贈 公中議大夫 資政大夫配贈淑人累

贈夫人

培賞更名任江西建昌府同知道光三十年覃恩授朝議大

夫 以子經炳更名戶部雲南司員外郎郎中四川川東兵

備道湖北按察使司咸豐十一年同治四年十年

一年 光緒 年疊遇 覃恩賜贈 公中憲大夫 中議

大夫 資政大夫 通奉大夫 榮祿大夫配贈恭人 淑

人 累贈夫人

側室王氏

以子經甸

更名凱元

任光祿寺署正加三品銜同治

年光緒

年疊遇

覃恩馳贈宜人淑人

培廣

更名森培

任直隸高邑甯晉等縣知縣保定府通判

年

覃恩敕授承德郎

以子經

更名定元

任直隸大名縣知

一縣加五品銜光緒

年

覃恩馳贈公奉政大夫配封

安人

贈宜人

側馬氏封

人

培勤

更名夢薇

任戶部主事員外郎銜疊遇

覃恩授中憲大夫

以胞姪經炳

更名觀元

布政使銜任湖北按察使司光緒

年

覃恩

馳贈

公資政大夫元配封安人

贈恭人

夫人

繼配封恭人 贈夫人

經衡

更名鑑

以子學康任湖北建始縣知縣加同知銜援例加級

封

公中議大夫配贈淑人

繼封淑人又以炳熊任吏部

主事請二品封典封 公通奉大夫配贈夫人

繼封夫人

經權

更名權

以胞姪學康任湖北建始縣知縣加同知銜援例

加級 馳封 公中議大夫配贈淑人

繼封淑人

涓閔

延儒子廕生候選知縣

德憲

延儒孫廕生安徽銅陵縣知縣

培宣

更名晏

加奮

更名文田

正二品廕生郎中

晉五品

加禧 益時兼祧子廕生

學勤 經元子廕雲騎尉

培榮以姪孫學康任湖北建始縣知縣恭遇 覃恩馳贈公奉

政大夫配繼贈宜人 以孫學富候選直州同知銜請

四品封典馳贈 公朝議大夫 配繼贈恭人

經華 以姪炳熊任吏部考功司七品小京官加四級恭遇

覃恩馳封 公奉政大夫 配贈宜人 繼封宜人以子學

富候選直州同知銜請四品封典封 公朝議大夫

配贈恭人 繼封恭人

貞節錄

貞節錄者彙通族之節婦錄以示勸者也查我族年三十以內而守節符例者二十有二人烈婦一人貞女一人向郡誌有遺

落者前

太守沔陽李公修誌值弟

德音姪世琨

肄業書院彙

送補刊以垂不朽然猶未光

國乘其子若孫卽應呈詳請

旌又查年三十五歲以內而守節以壽終者十人雖年踰三旬

而其冰操則一也或已蒙

當道給匾旌獎或載入郡縣誌書

未便遺漏彙爲一編攷其年月述其志節其于闡教不無小補

云

乾隆庚寅孟秋 德鶚 謹識

光緒庚寅續修譜牒補叙二十四人補貞女一人烈婦一人
此外殉粵匪難者男女共百一十九人其間得蒙 旌卹或
未呈請均謹載明其或本房無人無從採錄遺漏亦屬不少
謹就其所詳悉三者彙為一編附於貞節之末

商孫 學邃 續編

同安譜系圖卷二十首二人...

貞節錄

貞節錄

貞節

祚慎配茅氏年二十一孀居撫二齡孤子延樹讀書遊庠早卒
又撫孤孫淳一成立苦節六十二年享壽八十三符例候

旌節志載郡志

烏程

祚端妾陳氏無子女年二十守志苦節四十年符例候 旌載

郡志

祚馴妾張氏無子女守節三十七年享年七十

延樹繼配胡氏年二十孀居守節二十七年候 旌

延績配閔氏年十八孀居無子撫繼子淳徽讀書遊庠苦節五

十五年享年七十二符例候

旌載郡志

烏程

延禧配朱氏年二十孀居無子苦節三十一年享年五十符例

候旌

延著妾張氏無子女年二十五守志苦節二十七年例旌

延器繼配吳氏年二十六孀居無出苦節二十六年例旌

延清繼配胡氏守節三十六年 學院馬有幽芳亮節匾額旌

表雍正五年崇祀節孝祠載郡志

涪化配沈氏年二十四孀居撫四齡孤子德湘讀書遊庠苦節

二十六年例旌

涪顯妾黃氏止生一女年二十七守志苦節四十年乾隆五

年旌載郡志

愴恪妾曹氏止生一女年二十七苦志守節三十五年符例候

旌

愴璞繼配馬氏年二十八孀居無子止遺一女撫繼子德鍾讀

書遊庠苦節四十一年享年六十八乾隆八年旌載郡志

涪玉配張氏守節四十七年妾朱氏年二十六守節四十三年

學院帥有勁節齊芳匾額旌表載郡志

德裕配朱氏年二十孀居無子撫繼子世欽入國學苦節四十

七年享年六十六例

旌邑侯王表其門曰名閥貞操

程志

德夔配閔氏年二十六孀居撫二子世侃世璣俱讀書遊庠入

國學苦節五十二年例

旌

學院馬有陶孟芳規匾額旌

表闔郡賦詩頌節載安志

德綦配王氏年三十孀居撫繼子世義世琛俱讀書明經國學

守節四十六年享年七十六

德孝配施氏年二十三孀居苦志撫三齡孤子世泰讀書成人

守節三十四年享年五十六符例候

旌

德升妾葉氏無子女守節四十九年享年八十六

和碩莊親

王有經霜彌茂匾額 旌褒

德輝繼妻吳氏守節二十七年享年六十一

德騏配徐氏守節三十一年享年六十四

德熾繼配唐氏年二十六孀居苦節四十九年享年七十四符

例候 旌 郡尊李有節孝惟風扁額旌表

德根配張氏年二十八孀居守節二十九年符例候 旌享年

五十六

世仁配蔡氏守節四十九年享年八十二

世偉配鄭氏年二十六孀居撫五齡遺孤益震讀書遊庠九月

遺孤益寵成人苦節三十五年享年六十符例候 旌

世恒配王氏年三十孀居守節二十一年

世琦配吳氏守節三十八年享年七十二

世琨配閔氏年二十九孀居無子撫繼子益份讀書登仕版苦

節二十六年乾隆八年 旌載郡志程志

世鎮妻范氏孀居事翁撫孤守節三十四年載郡志

世鎮妻金氏年二十三孀居守節五十二年享年七十四歲乾

隆五十四年 旌載郡志

世鑄繼配沈氏年二十三孀居孝事舅姑撫孤成立守節三十

年載郡志嘉慶十七年旌

世楨配費氏年十七孀居無子苦節三十年例旌載郡志

世錦配嚴氏守節撫孤

世琨配章氏年三十守節撫繼子成立乾隆五十四年旌載

郡志

世涵繼配施氏年無子苦志守節十年嘉慶十七年

旌

世晶配徐氏年二十五苦志守節道光五年旌載郡志

世樞郡志作磊配蔡氏年苦志守節道光五年旌載郡志

益宗配潘氏守節三十七年無子撫繼子加榮讀書入國學學

院李有從一而終扁額旌表

益嘉配陳氏年二十四孀居守節三十四年例旌載郡志

益燕配朱氏年二十一孀居撫孤守節

益洪妻范氏年二十一孀居守節

益章配鍾氏年三十孀居守節三十年例旌

益三配鄭氏年三十孀居守節嘉慶十七年一旌載郡志

益泳配沈氏年二十七孀居守節符例候旌

益和繼妻吳氏年三十孀居守節咸豐二年旌載郡志

加榮配陳氏守節三十五年享年六十八歲

加詡繼配沈氏守節 年

加鸞妻沈氏守節 年道光十年 旌載郡志

加椽妻蔣氏年二十八孀居撫孤守節二十五年例 旌

加諍妾陳氏年二十孀居苦志守節五十年道光元年 旌載

郡志

培翰妻方氏守節三十八年享年七十三

培燮妻李氏年三十守節遇粵匪難殉節享年五十二司治五

年載郡志

培之繼配孫氏守節

培楨妻陳氏年二十八守節例

旌

培鑄妻吳氏年二十八守節撫孤例

旌

培忠

培新妻劉氏年二十八守節撫孤例

培澗妻蘇氏年二十八守節撫孤例

培賢妻沈氏年二十八守節撫孤例

培國妻田氏年二十八守節撫孤例

培榮妻劉氏年二十八守節撫孤例

烈婦

世鈞配錢氏長興中丞珏之孫女父大藻氏年二十五夫亡無子痛失所天誓以死殉日惟啜粥數匙俟兄蘭佩歸自中州諳諳以立繼卜葬相託家人防閑稍疎遂於雍正十三年正月初四日投繯殉節從容就義去世鈞之亡僅六月耳載郡

志例 旌

學莘

更名樂莘

配施氏歸安國學諱淮女年三十二夫亡無子女誓

以死殉家人謹防之旣而曰吾當俟死者葬然後從而歸爾防者稍疎遽吞金而逝去夫亡僅八十餘日杭之士紳上牘

有司請 旌如例附祀湖郡節烈祠仁
和譚仲修司馬爲之
立傳載杭志寄寓傳

貞女

金貞女爲世鎰聘室鎰卒女時年二十未婚矢志來歸成服奔
喪備歷貧苦卒年五十一載郡志候 旌

楊貞女爲加桂聘室年二十未婚加桂卒楊毀妝奔喪告於姑
抱主成禮守節六十九年享壽八十九道光元年題 旌載

郡志

殉粵匪難

咸同之間粵逆由兩湖竄擾江浙我族殉難十餘年間

死於楚於楊於常於杭於湖就所悉者凡百一十九人

其間已蒙 旌卹或未請 旌并錄於左

侯選訓導益時

同治壬戌五月初三殉難湖城

加藩暨子培生培增培彬培芬培全培滿培南父子八人

同治壬戌

五月初三全 旌

家殉湖州難 旌

培均

咸豐丙辰三月 旌

廿五殉難常州 旌

湖協營千總陞甯波守備培清

同治壬戌五月初三督兵巷戰被戕 旌卹如例

培芳與子經才經聰經松

咸豐庚申二月遇賊於湖郭西灣俱殉難例 旌

培芬

同治壬戌五月初三城陷殉難例

旌

候選從九培焯

同治壬戌九月湖州殉難 六年題 旌

載郡志

培順暨弟培桂同殉壬戌難候

旌

培熙與子經明經正經治同殉壬戌難候 旌

培鑒殉壬戌難例 旌

候選布理問培愉與子經煥闔家殉壬戌難

同治三年 旌 載郡志

培順

五支加 紹子

同治壬戌殉難候

旌其胞弟培吉培祥

同時殉難

培綦同治壬戌城陷殉難例 旌

培勝六品銜同治壬戌

粵匪陷城殉難五年禮部題旌

其胞弟培

號琴仙候同殉

旌

候選從九培英與胞兄培烈

字勳怡

弟培秉

字玉泉

培誠

字成齋

子經

章經倬經祥姪經元經振同時全家殉粵匪難

同治五年旌

培有

請旌誤培有為培厚

同治壬戌殉粵匪難五年題

旌

候選訓導經元同治壬戌五月粵匪陷湖州罵賊不屈被戕五

年題 旌廕一子雲騎尉

經源年十歲咸豐乙卯四月廿二在揚州殉粵匪難例 旌

經邦

二支培鑄子

同治壬戌粵匪陷湖殉難例

旌

經煥

二支培
炳四子

同治壬戌粵匪陷湖殉難例

旌

經鉞咸豐辛酉十一月粵匪再陷杭州殉難例

旌載郡志

議叙八品學崇更名學州同治壬戌舉家殉難五年題

旌廕

一子載郡志

候選從九學熙同治壬戌粵匪陷湖殉難例

旌載郡志

學高殉同治壬戌難例

旌

學廣與子肇初舉家同殉粵匪難

年題

旌載郡志

學宣與弟學宏同殉壬戌難

年

旌卹載郡志

學達成豐辛酉殉難杭州同治五年

旌

肇楨同治壬戌湖城陷殉難例 旌

益雷妻沈氏媳葉氏同治元年湖城陷同殉節

同治五年 旌 載郡志

加藩妻尹氏同治壬戌城陷殉節例 旌

加開妻沈氏同治壬戌城陷殉節例 旌

加紹妻陳氏同治壬戌城陷殉節例 旌

加和妾屠氏媳潘氏嚴氏吳氏同治壬戌城陷

同時殉節五年 旌 載郡志

培風妻甯氏繼媳陸氏繼孫媳陳氏孫女

同治壬戌湖城

陷殉節 年題 旌載郡志

培晉妾張氏媳錢氏同治壬戌城陷殉節

年題 旌載郡志

培均妻褚氏咸豐乙卯賊竄揚州與次女同時殉節 繼妻吳

氏妾蔣氏咸豐丙辰賊陷常州同時殉節例 旌

巡檢培圻妾李氏咸豐三年賊竄湖北殉節道士泆任所候

旌

封員培燮妻李氏媳陳氏孫女掌姐同治壬戌城陷殉節五年

題 旌

培煌妻張氏同治壬戌城陷殉節例 旌

培慶妻周氏同治壬戌城陷殉節例 旌

培熙繼妻吳氏同治壬戌城陷殉節例 旌

培鑒妻郭氏同治壬戌城陷殉節例 旌

布理問培愉妾周氏媳朱氏孫女大姑四姑同治壬戌城陷全

家赴水殉節三年題 旌載郡志

培綦妻張氏同治壬戌城陷殉節例 旌

培英妻蔣氏嫂邱氏弟妻羅氏顧氏女蘭姑瑞姑坤姑姪女引

姑交姑仁姑全家投河殉節五年題 旌載郡志

經天妻孫氏同治壬戌城陷赴水殉節 年題 旌載郡志

經鏞妻高氏同治壬戌城陷殉節五年題 旌載郡志

經亮妻陳氏同治壬戌城陷殉節五年題 旌載郡志

丹陽縣知縣經烈妻王氏妾徐氏王氏唐氏女三姐五姐七姐
八姐九姐咸豐辛酉同時殉難杭州同治五年 旌載郡志

經禮繼妻錢氏同治壬戌城陷殉節五年題 旌載郡志

培周子經猷妻唐氏媳閔氏孫女 姐同治壬戌城陷殉節五

年題 旌載郡志

經良三女殉節武康 年題 旌

學崇繼妻張氏同治壬戌城陷殉節五年題 旌載郡志

學宗妻沈氏同治壬戌城陷殉節五年題 旌載郡志

學周妻沈氏同治壬戌城陷殉節五年題 旌